



Inatsisartunut ilaasortaq Kim Kielsen, Siumut
/ Maani

Tuttuuteqarneq pillugu § 37 naapertorlugu apeqqummut nr. 231-2012, akissuteqarneq.

16. oktober 2012
Sagsnr. 2012-074937
Dok. Nr. 1039841

Inatsisartut Suleriaasianni § 37 naapertorlugu tuttuuteqarneq pillugu apeqqutininik arlalinnik Naalakkersuisunut apeqquteqarputit. Apeqqut uannit akineqartussanngorlugu innerussutigineqarpoq.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Naalakkersuisunut apeqqut:

1. Pinngortitaleriffiup 2012-imi aasaanerani Isortup eqqaani naggorissutsimik misissuina qanoq inerreqarpa?

Akissut:

Pinngortitaleriffiup 2012-imi aasaanerani naasoqassutsimik misissuisimani tuttoqarfiup Isortup neriniartitsiviutaata eqqaqqissaaniissimangillat. § 37 malillugu apeqqummut nr. 162-2012, apeqqummut 3-mut akissut ajorluartumik Pinngortitaleriffiup nalunaarutaanik annikippallamik nassuiaaneruvoq, matumanilu naqqikkusuppara.

Naasoqassutsimik misissuisimaniit kujataani savaateqarfinni suliarineqarsimapput. Najuulluni suliaqarnerit 24. Juli – 9. August 2012 akornanni pisimapput. Misissuinerit pingaarnertut Ipiutap eqqaani, Qaqortup eqqaani Qeqertaasamilu piffinni ataasiakkaani pisimallutik. Pinngortitaleriffik paasisanik suliarinnileruttorpoq, naatsorsutigineqarporlu nalunaarusiamik minnerpaamillu ilisimatuussutsikkullu allaaserisamik 2013-ip ingerlanerani saqqummiussissallutik.

Ilanngullugu nalunaarutigissavara Ruth Heilmann-ip § 37 naapertorlugu apeqqutaanut nr. 162-2012-imut annertunerusumik nassuiaatinik Ruth Heilmann-imut nassiusisimagama. Inatsisartut siulittaasoqarfiat Naalakkersuisullu siulittaasoqarfiat ilisimatineqarput.

Naalakkersuisunut apeqqut:

2. Allattoqarfiup ukiut tamaasa tuttu amerlassusaat nalunaarsortarai Naalakkersuisut § 37 naapertorlugu apeqqummi 162-imi 1-itut akissutaanni paasisutissiisutigaat. Ukiumoortumik kisitsinerit taakku qanoq ingerlanneqartarnersut paasisutissiisutigineqarnissaat kissaatigineqarpoq, kiisalu ilanngullugu kisitsinerit taamaallaat uumasut ilisarnaasikkat aallaavigalugit amerlassusaannut missingiuussisoqartarnersoq aamma ilanngullugu paasisutissiisutigineqassasoq kissaatigineqarpoq.

Akissut:

Nunalerinermik Siunnersorteqarfiup ukiut tamaasa savaatillinnut tuttuutillinnullu uumasuutit qassiunerinik immersugassaq nassiuttarpaat, inuussutissarsiuteqartut immersugassaat. Savaatillit savaatimik amerlassusaat piaqqiortunut, arnaviaaqqanut, angutikuluunut, angutiviaaqqanut issuikkanullu agguataarlugit nalunaarutigisarpaat. Savaatillit pisussaapput savaatiminnik ukiuunerani savaasivinniisitsissallutik. Taamaalilluni Nunalerinermik Siunnersorteqarfiup savaatillit ataasiakkaat nersutaatimik amerlassusaannik nalunaarutigisimasaasa qulakkeerreqarnissaannik periarfissaqarput.

Tuttuuteqarneq pillugu. Ilisimatitsissutigineqassaaq tuttuutillit ukiuunerani tuttuutiminnik tuttuusivinniitsinissaminnik pisussaaffeqanngimmata. Taamaalilluni Nunalerinermik Siunnersorteqarfiup tuttu qassiuneri nakkutigisinnaanngilaat, tuttu ukioq naallugu nerinarfimminniittarmata. Kisitsisit tunngaveqarput tuttuutillip tuttuutimi amerlassusaannik naliliinerannik.

Piginnittup nammineerluni akisussaaffigaa uumasuutiminik isumaginninnissani, tamatumalu ataani kisitsinissani nalunaaqqutsersuinissanilu.

Naalackersuisunut apeqqut:**3. Kisitsinernut atatillugu paasissutissat tuttuutilinnit pissarsiarineqartut qanoq annertutigisumik atorneqartarpat?****Akissut:**

Kalaallisuaani apeqqutigineqarpoq paasissutissat tuttuutilinnit pissarsiarineqartut qanoq annertutigisumik atorneqartarnersut. Qallunaatoortaani apeqqutigineqarluni kisitsinerit tuttuutillip nammineerluni nalunaarutaanik tunngaveqartarnersut.

Apeqqutinut taakkununga akissutigissavara, tuttu qanoq amerlatiginerinik paasissutissat taamaallaat tuttuutilinnit pissarsiarineqartarmata, paasissutissallu toqqorneqarlutik kingusinnerusukkat atorneqassagaluarpata.

Naalackersuisunut apeqqut:**4. Nujuitsunik tuttuuteqarfiit eqqaanni tuttnik kisitsisoqarlunilu naggorisutsimik misissuisoqartarpa, tamannalu qanoq annertutigisumik ingerlanneqartarpa?****Akissut:**

Naasoqassutsimik misissuisimanagerit suliarineqarsimasut piffinni apeqqummi 1-imi akissummi taaneqarput. Misissuinerit Pinngortitaleriffimmit suliarineqartarput. § 37 naapertorlugu apeqqutini 162-2012 akissutigineqartuni ilisimatitsissutigineqarpoq kingullermik 1996-imi naasoqassutsimik misissuisoqarsimasoq. Tuttuuteqarfiit eqqaqqissaanni naasoqassutsimik misissuisoqarsimanngilaq.

Tuttnik kisitsisarneq pillugu. Nalinginnaasumik Pinngortitaleriffik uumasunik assigiinngitsunik kisitsisarpoq. Pinngortitaleriffimmit nalunaarutigineqarpoq Isortup eqqaani kisitsinissamut aningaasanik immikkoortitsisoqarsimanngitsaq, tuttu nujuitsut uani pineqarmata. Pinngortitaleriffik uumasunik nujuartanik kisitsisarpoq.

Naalackersuisunut apeqqu:

5. Kujataani tuttuuteqarnermik ingerlatsineq ataatsimut isigigalugu nungusaataaangitsumik tunngaveqartumik ingerlanneqartutut Naalackersuisunit nalilerneqarpa?

Akissut:

Naalackersuisut massakkuugallartillugu aalajangersimasumik nalilersinnaangilaat kujataani tuttuuteqarneq nungusaataaangitsumik ingerlanneqarnermaq, tuttuuteqarfinni kisitseqqissaartoqarsimatinnagu naasoqassutsimillu misissuisoqarsimatinnagu. Naalackersuisut nalunaarutigissavaat Nunalerinermik Siunnersorteqarfiup nalilermagu massakkuugallartillu tuttuuteqarneq nungusaataaangitsumik ingerlanneqartutut oqaatigineqarsinnaasoq.

Inussiarnersumik inuulluaqqusillunga

Med venlig hilsen

Ane Hansen